

即酬彼薪資，當令辦吾利，
無益則於彼，一切不應與。
念身如舟楫，唯充去來依，
爲辦有情利，修成如意身。
自主己身心，恆常露笑顏，
平息怒紋眉，眾友正實語。
移座勿隨意，至發大音聲，
開門勿粗暴，常喜寂靜行。
水鷗貓盜賊，無聲行隱蔽，
故成所欲事，能仁如是行。
宜善勸勉人，未請饒益語，
恭敬且頂戴，恆爲眾人徒。
一切妙善語，皆讚爲善說，
見人行福善，歡喜生讚歎。
暗稱他人功，隨和他人德，
聞人稱己德，應忖自有無。
一切行爲喜，此喜價難估，
故當依他德，安享隨喜樂。
如是今無損，來世樂亦多，
反之因嗔苦，後世苦更增。
出言當稱意，義明語相關，
悅意離貪嗔，柔和調適中。
眼見有情時，誠慈而視之，